

花胎病囡歌

01. 頭月病囡在心內，若欲講出驚人知，看着物件逐項愛，恬恬叫哥買入來。
02. 欲央人買驚歹勢，問娘想食啥乜貨，每項買罉歸大个，愛食你就家已挖。
03. 二月病囡人愛睏，三頓糜飯無愛吞，想食白糖泡藕粉，叫兄去買一籮銀。
04. 一碗藕粉泡滇滇，白糖趕緊參佻甜，問娘你是啥乜病，面色敢會佻呢青。
05. 三月病囡人嘴清，腳手酸軟烏暗眩，酸澀買罉歸內面，愛食樹莓鹹七珍。
06. 我緊行倚迦娘問，面色敢會佻青黃，專食酸澀無食飯，想着心肝替娘酸。
07. 四月病囡人畏寒，趕緊棉裘挖來慢，專專愛垂白波涎，想食竹筍焗蚵乾。
08. 看娘暝日連連睏，糜飯半嘴無愛吞，欲食蚵乾焗竹筍，差人佻緊買來焗。
09. 五月病囡佻凄慘，愛食仙楂佻柚柑，姊妹相招來相探，叫咱鴨母焗烏蔘。
10. 看娘消瘦佻落肉，嘴涎垂罉歸塗腳，糜飯噉食肚飽飽，只愛柚柑佻仙楂。
11. 病囡六月真見笑，不時眠床倒稠稠，愛食包仔佻水餃，三頓無食毋知枵。
12. 看娘酸澀食噉倦，着請先生毋嚙延，我到今日才發現，腹肚哪會佻大仔。
13. 病到七月猶冷病，不管噉時想食甜，腹肚一日一日滇，勸哥毋免請先生。
14. 斟酌迦娘你看覓，才知娘仔有花胎，頂重下輕行噉在，倩人替娘才應該。
15. 八月人猶真艱苦，腳酸手軟穉噉摸，心肝佻糟欲啥步，愛食馬薯炒香菰。
16. 我緊伐落去料理，加炒香菰參馬薯，嘴仔吻吻誠歡喜，毋知你落佇咚時。
17. 九月才迦君實說，扑算敢是落後月，趕緊買菜佻佻配，今日欲食一寡糜。
18. 醬瓜焗肉好唔好，佻鹹毋才食會落，後日就有困嚙抱，免得本成臥笑無。
19. 十月倒佇眠床內，人真艱苦報君知，欲請產婆來看覓，拈若好勢嚙割臍。
20. 腹內狠仔冷發作，央人迦咱叫產婆，看娘哀聲真煩惱，恨咱少人腳手無。